

儀
顧
堂
集

儀顧堂集卷十七

歸安陸心源譔

金刊清涼傳跋

清涼傳二卷題曰唐朝藍谷沙門慧祥撰前有
大定辛丑二月十七日永安崇壽禪院雪堂中
隱沙門廣英序廣清涼傳二卷題曰清涼山大
華嚴寺壇長妙濟大師賜紫沙門延一重編前
有嘉祐庚子正月朝奉郎尚織局員外郎守太
原府大通監兼兵馬都監上騎都尉賜緋魚袋
前句當五臺山寺司公事郝濟川撰序續清涼

傳二卷題曰朝奉郎權發遣河東路提點刑獄
公事張商英述前有大定四年九月十七日古
豐姚錫序每葉廿二行行廿字舊爲何夢華元
錫藏書卽阮文達進呈本所從出鞏經室外集
所謂或以爲金大定藏板者也案續傳末一葉
有大明洪武歲次丙子正月十有五日山西崇
善禪寺住山鴈門野納了菴性徹洞然勸緣率
衆重刊釋迦賦帝敎事迹成道記補陀傳清涼
傳合部印施云云數百字則爲洪武翻刊而非
大定本明矣但近來藏書家如長塘鮑氏振綺

堂汪氏文瑞樓金氏月霄張氏恬裕齋瞿氏著
錄祇有鈔本則刻本之罕觀可知況洪武距今
五百餘年仍當以宋元舊刊同觀也

宋板諸臣奏議跋

國朝諸臣奏議一百五十卷目錄四卷首爲淳
熙十三年進書表次爲進書序題曰龍圖閣學
士朝散大夫成都潼川府夔州利州路安撫制
置使兼知成都軍府兼管內勸農使充成都府
路兵馬都鈐轄祥符縣開國伯食邑九百戶臣
趙汝愚謹上所錄北宋九朝章奏凡趙普范質

扈蒙李光贊張觀宋白徐鉉田錫謝泌張佖柴
成務陳靖張洎何承矩李覺李昉張齊賢李至
王禹偁寇準王曾李邕韓援陳充張知白戚倫
孫奭朱台符任隨陳靖孫何來宗道季諮吳育
錢易盛梁錢若水趙安仁陳彭年范仲淹韓琦
富弼杜衍文彥博龐藉孫忭司馬光呂誨范鎮
歐陽修何郯賈黯余靖尹洙包拯劉敞孫沔蘇
舜欽宋庠吳奎馮遵趙卞傅堯俞段少連范師
道張述呂大臨吳庭胡宿陳洙王陶錢彥遠王
舉正江休復楊畋王時齊唐宋祁葉清臣孫甫

李京錢彥博呂大防程珦鄭獬蔡承禧田況蔡
襄謝絳陳升之呂公著上官均李東之錢明逸
張洞祖無擇韓維宋庠吳育燕肅王堯臣劉平
張元丁度曾公亮魚周詢李大臨張方平夏竦
陳執中賈昌朝龔鼎臣邵亢趙瞻范純仁錢公
輔王珪彭思永宋敏求程頤范祖禹梁燾王巖
叟彭汝礪劉安世陸佃呂希純曾肇蘇軾蘇轍
滕甫蘇頌曾鞏劉述錢顗孫覺程襄張戢程顥
李常錢勰劉摯劉孝孫楊繪劉攽趙彥若黃履
王安石陳襄曾孝寬周尹范百祿王存陳薦趙

君錫孫固張師顏林希蒲中行劉几呂大忠呂
公弼周悉臣呂陶劉琦鄭俠范純粹龔夬李琮
邢恕張璪李清臣孔武仲朱光庭丁騭蔡蹈林
旦王覲鄒浩陳井張舜民畢仲游顏復李之純
岑象求許將顏臨常安民韓忠彥黃廉韓川范
鸞趙適賈易陳瓘江公望李光游酢李朴張叔
夜仲渙韓宗武王煥之毛注陳堯臣龔原石公
弼宇文粹中葉夢得陳佑高倚吳執中許翰翁
彥國馮獬馮檝宋昭李綱陳東陳公輔胡安國
楊時余應本曹輔范宗尹豐稷呂好問王襄雷

觀胡舜陟程瑀陳過庭崔鷗宋明李若水秦檜
任百兩凡二百三十六人奏議千餘首搜羅不
可爲不富惟置胡澹菴封事不收反錄秦檜爲
太學丞時上邊機三事去取殊爲未當忠定在
日曾鋟木蜀中後毀於兵其孫必愿帥閩重刊
未就眉山史季溫繼成之前有宗室希漸及淳
祐庚戌福建提刑史季溫序張月霄所藏板心
間有元大德至大補刊字樣此本爲黃俞邵舊
物有晉江黃氏父子珍藏印尚無元修之板當
爲元大德以前印本然闕葉已與藏書志所記

同矣

宋大詔令跋

宋大詔令二百四十卷郡齋讀書志宋宣獻公家編纂也皆中興以前之典故嘉定三年李大異刊於建甯直齋書錄解題曰寶謨閣直學士豫章李大異刊於建甯云紹興間宣獻公子孫所編纂也玉海云此集紹興中出於宋綬之家愚案唐大詔令乃敏求所編直齋謂是書宋綬子孫所編是也文淵閣書目經濟類宋大詔令廿四冊不全殆卽此書其書哀集北宋詔令自

建隆迄宣和分帝統太皇太后皇太后皇太妃
皇后妃嬪皇太子皇子親王皇女宗室宰相將
帥軍職武臣典禮政事十三門每門各分子目
今可考見者帝統之門十二曰卽位曰誕節曰
改元曰名諱曰尊號批答曰尊號冊曰違豫康
復曰內禪曰遺制曰謚議曰謚冊曰哀冊太皇
太后之門十四曰尊立曰誕節曰建宮殿曰受
冊曰御殿曰責躬曰恩澤曰本命曰服藥曰遺
誥曰謚議曰謚冊曰哀冊曰山陵皇太后之門
十一曰尊立曰尊號曰冊文曰聽政曰禮議曰

違豫曰遺令遺詔曰謚議曰謚冊曰哀冊曰山陵皇太妃之目四曰尊立曰禮儀曰追命曰太后皇后之目七曰尊立曰冊文曰降黜曰追命曰謚議曰謚冊曰哀冊妃嬪之目五曰內職曰進拜曰冊文曰降黜曰追命皇太子之目十一曰奏請批答曰建立曰赦曰冊文曰議政曰辭免曰謝恩曰慶賀曰建牧曰納妃曰追命皇子之目二曰霈音曰立子親王之目七曰拜官曰進拜曰就學曰優禮曰出閣外邸曰降黜曰封典皇女之目四曰封拜曰雜詔曰降黜曰贈典

宗室之目六曰封拜曰進拜曰雜詔曰貶責曰
贈典曰祔葬宰相之目存者三曰登拜曰進拜
曰罷免將帥之目存者三曰賞功曰貶責曰軍
職武臣之目一曰除拜典禮之目三十曰封禪
曰祀汾陰曰南郊曰雜詔曰賜與曰陪祠曰北
郊曰恭謝壇殿曰明堂曰天神曰地示曰山川
曰雜祀曰廟制曰親謁太廟曰祔廟曰祖宗加
謚曰謚議曰配饗曰原廟曰陵寢曰陵名曰誕
節曰朝賀曰巡幸曰遊觀曰宴集曰貢獻曰弋
獵曰喪服政事之目五十五曰禮學曰經史文

籍曰祥瑞曰倣災曰褒崇先聖曰國賓曰學校
曰徵召曰求遺書曰出宮女曰建都曰建易州
縣曰官制曰舉薦曰求言曰制科曰科舉曰銓
選曰考課曰按察曰休假曰俸賜曰營繕曰河
防曰軍令曰馬政曰常平曰田農曰賦斂曰財
利曰財賦曰蓄積曰賑恤曰蠲復曰恤窮曰慰
撫曰慰諭曰誠飭曰禁約曰刑法曰貶責曰備
禦曰保強曰恩宥曰招諭曰貸雪曰平亂曰討
伐曰武功曰醫方曰褒恤曰收瘞曰道釋曰僞
國曰四裔原本二百四十卷今缺七十一至九

十三又一百六至一百十五一百六十七至一百七十七共四十四卷存一百九十六卷雖與唐大詔令同一殘缺而所載宋九朝典制足補史缺者甚多考宋代掌故者之資糧也是書明以後傳本甚希阮文達外集亦無其目惟張月霄藏書記著於錄缺卷亦與此本同恐世間無完本矣

原本北堂書鈔跋

原本北堂書鈔一百六十卷明中葉鈔本每葉二十六行每行大字二十小字二十五六不等

海鹽馬玉堂孝廉漢唐齋舊物也案宋史趙安仁傳安仁嗜讀書所得祿賜多以購書三館舊缺虞世南北堂書鈔惟安仁家有本真宗命內侍取之嘉其好學手詔褒美愚謂唐以前書存於今者甚寡其幸而得存宋元以來無不刊行惟原本書鈔自唐至今未經刊本何以明之五代始有刊板如書鈔刊行於五代真宗時傳本必多何至三館缺而安仁家獨有乎則必無刊板可知明人陳禹謨所刊屢改刪削名存實非猶不刊也入

國朝原本尤爲難得嚴氏可均謂江浙有書鈔
原本五一爲孫淵如本一爲季滄葦古唐類範
卽朱竹垞古唐類要本一爲張月霄本一爲汪
小米本一則嚴氏所有也此本前明舊鈔又在
嚴氏所見五本之外先師周孝廉校正書鈔用
功甚深自經兵燹隻字不存惟先師所據之本
乃從嚴氏本影寫譌誤更多當時以不得舊鈔
爲恨是本未知較嚴氏所藏何如惜先師已作
古人不得商量舊學追念師門爲之泣然
宋板太平御覽跋

宋板太平御覽存卷一至一百三十三卷一百
七十二至二百卷二百十二至三百六十八卷
四百二十四至四百五十五計三百五十一卷
初爲中山王邸之物有南州高士東海豪家印
後入明內府有文淵閣印卽文淵閣書目所載
之不全本也乾嘉間歸黃薨圃主事後歸蘇州
富民汪士鐘今冬余以白金百朋得之核以黃
氏原目又佚五百三十一至五百三十五五百
四十一至五百四十五七百二十六至七百三
十共十五卷案書中肩慎殷恆貞皆缺筆而桓

字不缺則刊印當在仁宗時爲是書刊本之祖
宋刊世不多見北宋刊本猶如景星慶雲是書
雖殘缺而卷帙尚富可據以校羣書之譌豈僅
與殘圭斷壁同珍已哉

宋板百川學海跋

百川學海每葉廿八行行廿八字板心有百川
學海四字分二十卷廊宇注甯宗廟諱宋理宗
時刊本卷一爲李元綱聖門事業圖史繩祖學
齋佔畢釋常談卷二爲中華古今注漁樵問答
九經補韻獨斷刊誤卷三爲鄒棨開天傳信記

王栒燕翼貽謀錄宋敏求春明退朝錄卷四爲
楊萬里揮麈錄丁晉公談錄王文正筆錄顏師
古隨遺錄李肇翰林志周必大玉堂雜記卷五
爲王文正遺事李薦師友談志朱或蘋洲可談
龍城錄鍾輅前定錄續前定錄王君玉國老談
苑強至韓忠獻遺事卷六爲李元綱厚德錄晁
氏客語道山清話卷七爲鼠璞晝簾緒論官箴
卷八爲儲泳祛疑說劉禹錫因話錄宋景文筆
記陳錄善誘文卷九爲何坦西疇常言欒城遺
言李之彥東谷所見趙元素雞肋孫公談圃卷

十爲東坡志林螢窗叢談龍川志略卷十一爲
騷略獻醜集四六話四六談麈文房四友除授
集卷十二爲高似孫子略胡錡耕祿橐卷十三
爲庚溪詩話竹坡老人詩話司馬溫公詩話石
林詩話選句詩圖卷十四爲紫薇詩話貢父詩
話後山詩話珊瑚鉤詩話六一詩話許彥周詩
話卷十五爲寶章待訪錄書史書斷續書譜歐
公試筆卷十六爲法帖釋文書譜翰墨志海岳
名言法帖刊誤法帖譜系卷十七爲贊甯筭譜
葉樾端溪硯譜洪适歙州硯譜歙硯說辨歙硯

說傳肱蟹譜李之彥硯譜米芾硯史卷十八爲
古今刀劒錄陳子野酒錄陳仁玉菌譜張又新
煎茶水記宋子安東溪試茶錄洪芻香譜陳達
叟蔬食譜陸羽茶經卷十九爲海棠譜禽經荔
支譜橘錄南方草木狀卷二十爲洞天福地記
劉蒙菊譜范成大菊譜洛陽牡丹記牡丹榮辱
志芍藥譜竹譜是書世所行者有前明及
國初兩刊明刊每葉二十四行行二十字以十
千分十集板心無百川學海四字聖門事業圖
亦列卷首而以洞天福地記居末其餘序次亦

多不同惟先後雖紊而全書無恙至

國初刊本乃說郛所改刪削過半名存而實非
矣此本審其格式當是宋時麻沙坊刊完善無
缺著錄家所罕見也

小兒方論跋

小兒方論四卷宋楊士瀛撰明朱崇正附遺

四庫未著錄凡分類十二曰初生曰變蒸曰驚
曰中風曰疳曰積曰傷寒曰痰嗽曰脾胃曰丹
毒曰雜證曰瘡症每類各分子目宋以前無以
治小兒法勒爲一書者有之自錢乙小兒藥證

直訣始其書雖存而不全外此以小兒衛生總微論方爲最古至晁氏陳氏所載小兒靈祕方等書今不可見矣是書成於總微論方之後而論說方劑更爲詳備崇正所附間參以圖頗能補楊氏所未及誠保嬰之祕笈也

醫學真經跋

醫學真經二卷宋楊士瀛撰明朱崇正附遺案士瀛字登父號仁齋福州人著有仁齋直指二十四卷傷寒活人總括七卷

四庫全書醫家類著於錄此本爲明嘉靖時刊

著錄家所罕見也前有景定壬戌七月旣望登
父自序首爲察脉總論次脉訣次論七表脉次
論八裏脉次論九道脉其雜證脉狀及藥象則
朱崇正所附也是書雖以僞本王叔和脉訣爲
經而能參以百家之言去其謬而擷其精自序
所謂發先哲未盡之言而揆之理約諸子異同
之說而歸之正非誇也其三部九候論臟腑部
位論診候論脉病消息論諸篇簡要易明多前
人所未發以視瀕湖脉學無不及也
元板晞范句解八十一難經跋

元板難經八卷每葉廿行行廿字題曰新刊晞
范句解八十一難經盧國秦越人撰翰林王惟
一校正臨川晞范子李駒子埜句解前有咸淳
己未晞范子自序首有圖十九葉末有釋音兩
葉其書逐句解釋頗爲淺近易曉李駒仕履無
考是書著錄家所罕見張氏藏書志始著於錄
但從道藏本傳錄書祇七卷此本八卷乃完帙
也

金匱衍義跋

金匱衍義元趙良撰案良字以德仕履無考藏

書家均未著錄黃氏千頃堂僅載其名不著卷數蓋亦未見原書也康熙初吳人周楊俊得其本間有缺佚自爲補注刊於長沙名曰金匱二注衍義之名遂晦余讀其書於仲景立論制方推闡詳晰具有精義可與成無已傷寒論注相抗衡乃傷寒論注甚爲當世所重衍義則鮮有知之者可慨也

傷寒紀元妙用集書後

傷寒紀元妙用集十卷題曰御診太醫宣授成全郎上都惠民局提點尚從善編次黃氏千頃

堂書目著於錄錢氏補元史藝文志仍之皆不
詳其里貫今據袁裒馮子振序知其字仲良大
名人據張翥序知其曾得五品服據結銜及自
序知其歷官惠民司提點江浙等處醫學提舉
其書掇拾成無已傷寒論注明理論而成絕無
心得後附藥性論治亦多膚淺未可以
四庫未收詫爲祕笈也

明鈔皇鑑箋要跋

新編分門標題皇鑑箋要六十卷題閩川林駟
德頌撰是書取宋一祖十一宗事迹分門編纂

凡分君德君政官制貢舉科目用人臣道儒學
兵制賦役財用荒政時弊十三門每門又各分
子目君德之目廿七日國朝盛事曰祖宗混一
曰祖宗年號曰祖宗尊號曰取法帝王曰取法
祖宗曰變更持守曰聖學曰經筵曰讀詩曰讀
書曰讀易曰讀春秋曰讀禮記曰讀周禮曰讀
論語曰讀孟子曰讀史曰讀通鑑曰讀祖訓曰
聖翰曰聖製曰聖學曰剛德曰仁德曰勤德曰
儉德君政之門二曰敕宣曰內降官制之門廿
二曰新舊官制曰武官曰三省曰宰相曰樞密

曰宰臣兼樞密曰六部曰吏部曰戶部曰翰林
曰館閣曰記注曰編修曰經筵曰給舍曰臺諫
曰監司曰郡守曰縣令曰權行守試曰俸祿曰
職田貢舉之目十曰廷試曰解試省試曰漕試
曰舍法曰武舉曰三題策試曰詞賦經義曰文
體曰考校曰關防科目之目四曰制科曰宏詞
曰童子曰隱逸用入之目九曰銓選曰堂除曰
資望曰任子曰薦舉曰久任曰均任曰省冗官
曰惜名器臣道之目十曰德望曰才德曰忠義
曰推遜曰誠實曰欺僞曰恬退曰奔競曰清廉

曰贓污儒學之目三曰伊洛之學曰康節數學
曰安定之學兵制之目十曰太祖制兵曰衛兵
曰戍兵曰州縣之兵曰民兵曰養兵曰省兵曰
馬政曰茶馬曰軍器曰水師曰車戰曰騎兵曰
步兵賦役之目四曰役法曰賦役曰和糴曰和
買財用之目十四曰戶部之財曰內帑之財曰
理財曰節財曰會節曰茶曰鹽曰酒權曰銅錢
曰鐵錢曰幣曰鬻爵曰鬻僧曰漕運荒政之目
三曰賑荒曰常平曰義倉時弊之門三曰朋黨
曰宦官曰外戚每目各爲一篇而自注之雖爲

場屋而設所採宋一朝事迹足以參訂宋史亦
考史者之資糧也宋史藝文志不載其名張月
霄藏書記始著於錄此卽張氏舊物前有愛日
精廬藏書印後歸汪士鐘余從金閭書估得之
恐世無第二本矣

書楊升庵刊廣川畫跋後

廣川書畫跋皆刊於王弇州所輯書畫苑大興
紀文達謂書跋有刊本此書則僅輾轉傳鈔一
若未見刊本者不可解也此本爲楊升菴所刊
爲王氏刊本所從出惟譌奪甚多幾不可讀卷

四蒲永昇畫水跋李營邱山水圖跋卷五武宗
元天王跋皆有錄無書展子虔畫馬跋脫五十
餘字誤連營邱山水圖跋末數句秋雨圖跋亦
誤連天王跋末數句想當時升庵所見本有缺
葉故致此誤耳偶從章紫伯明經借得影鈔元
鈔本則此本所缺蒲永昇畫水跋李營邱山水
圖跋武宗元天王跋皆完具因一一補錄且改
正數十字但元人跋已稱譌字甚夥不可枚舉
雖互相勘正疑竇尚不少也獨怪廣川跋鎖樹
諫圖持論甚正及靖康之禍助逆忘君行同犬

傳圖堂集卷十七
豕文人無行至於如此絕可歎也

舊鈔三山志跋

此書從宋本傳鈔尚存四十卷舊式近從閩中
楊雪滄侍讀借得明萬厯刊四十二卷本對校
一過補缺張一葉補正數百字明刊本卷四內
外城濠門脫小注正文六百餘字卷八祠廟門
會應廟條下脫小注三百餘字卷十墾田門園
林山地條下脫小注一千五百餘字戶口門今
額主客丁條下脫小注五百九十餘字卷十一
官莊田門官莊租課錢條下脫小注二百六十

餘字卷十二瞻學田門豆麥雜子條下脫小注
九百餘字景祐四年條下脫小注七百餘字職
田門職田二十頃條下脫小注四百五十餘字
租課田條下脫小注一千五百八十餘字卷十
四州縣役人門在城三縣社首副條下脫小注
二百餘字卷十七歲收門小注全脫約五千餘
字卷三十二科名門淳祐十年方逢時榜脫陳
無咎至王同叔三十四人而誤以淳祐四年劉
夢炎榜周森至張全二十七人羣入此外零星
脫落又不下數千字明人刊書粗莽滅裂真有

刊如不刊之歎矣

釣磯集跋

唐祕書省正字先輩徐公釣磯文集十卷題曰唐徐夔昭夢著舊鈔本前有建炎三年裔孫師仁序及延祐中裔孫元序案夔著有釣磯賦五卷探龍集五卷唐書藝文志不著於錄宋時想已早佚此本乃延祐中其裔孫元字可珍者所編也

四庫全書著錄正字詩賦二卷詩二百六十二首賦八首此本賦五卷詩五卷詩與

四庫本同賦則增多四十八首張月霄以全唐
文校之此本多賦二十一首少均田賦衡賦二
首所缺賦八首皆可據全唐文補錄具見所作
藏書志中所缺偶吟七律一首余亦據全唐詩
補入竇詩賦皆不脫唐末之習惟唐人傳世日
希自當以罕覲珍之

影宋明州本騎省集跋

徐公文集三十卷從宋紹興中明州刊本影寫
題曰東海徐鉉撰前有天禧元年十一月三司
戶部判官朝散大夫行尚書都官員外郎上護

軍胡克順進書表及宋真宗答敕淳化四年祕
書郎陳彭年序末有大中祥符九年太常丞集
賢校理晏殊後序及紹興十九年右朝議大夫
知明州徐琛跋附錄一卷則行狀及李昉所作
墓誌李至等所作輓詞祭文也每葉二十行行
十九字每卷有目連屬篇目各家藏本卷十烈
武帝廟碑告貞符下缺三百八十字三清觀記
其守固者其事舉下缺五十餘字此本皆完具
洵善本也

晏元獻遺文跋

晏元獻遺文一卷康熙中胡亦堂輯僅文六首
詩六首餘皆詞如西清詩話復齋漫錄古今歲
時雜詠侯鯖錄所載諸詩皆未收入

四庫全書提要已詳言之愚復加收輯尚有宋
文鑑所載中園賦一首假中示判官張守丞王
校勘一首雪中一首侍讀學士請宮中視學狀
一首答樞密范給事一首連珠一首播芳大全
所載代皇太子辭陞儲表二首杜大圭名臣碑
版宛炎錄所載馬忠肅亮墓誌一首騎省集所
載後序一首老學菴筆記所載孟蘭盆一首硯

箋所載張殿院惠古瓦硯二首瀛奎律髓載賦
得秋雨一首春陰一首汝州志所載巢父井一
首江西詩話所載東湖涵虛閣一首亦皆未收
合之復齋漫錄歲時雜詠西清詩話侯鯖錄各
書所引及汲古刊珠玉詞重爲編次當可增此
本三倍也

春卿遺藁跋

春卿遺藁題曰蔣堂撰案宋史本傳堂有吳門
集二十卷考晁氏郡齋讀書志陳氏書錄解題
皆不著於錄其佚當已久矣是本爲明天啟中

其二十一世孫鑄所編其名當亦鑄所題以堂
曾官禮部侍郎故也編次無法挂漏甚多宋史
本傳所稱論郭皇后不當廢疏論禁中火起疏
言不必別置發運使疏奏復鑑湖馬湖疏均未
見又會稽掇英總集有卷一閔山五古并序卷
二寄題望湖樓七古卷三棹歌七古卷八飛來
山五古天章寺題字成都文類卷七有清陰堂
種橘一首嘉泰會稽志有守會稽日修永和故
事作七律西湖高僧事略有贈惟政禪師七絕
皆失收其書以吳都文粹爲藍本此外所採寥

寥數首而已往往割裂文粹案語附於題下似
序非序尤爲非體虎邱山一首文粹本作吳王
墓謝李兵部二首文粹本作靈芝坊改易篇題
多近肥撰明自萬厯以後風氣使然矣

錢唐集跋

錢唐韋先生集十六卷影鈔宋乾道刊本是集
原本二十卷後爲其子失去二卷其孫能定求
之不得遂於乾道四年以十八卷刊於臨汀郡
庠見其孫右奉直大夫知汀州軍州事能定跋
中乾隆中開

四庫館所據之本至十六卷止又缺首二卷遂
移卷三爲卷一以十四卷著於錄此本從宋乾
道刊本影寫構注太上皇帝御名脊注今上御
名每葉廿行行廿字亦缺首二卷卷三至卷九
古今體詩九百九十三首卷十表卷十一啟卷
十二至十四疏狀卷十五書卷十六書祝文祭
文青詞墓誌卷十七記序傳論策問卷十八雜
著歌詞凡文五百六首較

四庫增十七十八兩卷增文九十八首詞十一
首末附陳師錫行狀略云公諱襄字子駿年十

七以文謁荆國王文公見其借箸賦大奇之皇
祐五年登進士第調睦州壽昌縣尉以憂不赴
後歷興國軍司理參軍婺州武義令改祕書省
著作佐郎知袁州萍鄉縣通州海門縣通判滁
州楚州遷尚書屯田員外郎改少府監主簿韓
維等薦爲利州路轉運判官移福建路通判會
閩饑咸議請賑公曰閩去京師往返數千里令
民朝不及夕上書待報是冠冕從容以救焚溺
也乃檄州縣發廩而請違法之罪於朝民賴以
全活者甚衆時有羣盜阻險爲閩數州患州縣

畏怯爭言盜勢熾宜撫公曰閩盜狃於姑息曩者彭孫廖恩於此列官故奸民以凶慝爲得計若遵前軌是爲民稔患也處畫方略盜成就法部內肅然召爲尚書主客郎出爲夔州提點刑獄知明州勾提舉洞霄宮旋致仕崇甯四年卒年七十三是其政事亦有可稱不僅以文章著矣後有改修宋史者宜補入文苑傳也

歐陽文忠集跋

文忠集一百五十三卷明正德壬申郡守劉喬刊本前列孫謙益丁朝佐曾三異胡柯校正銜

名及葛深等覆校銜名每卷後有熙甯五年秋
七月男發等編定及紹熙二年郡人孫謙益等
校正二行猶仍宋紹熙本舊式其書以吉建衢
劉各本異同附注本文之下復以未盡者列於
每卷之末間附丁朝佐案語考正字義頗爲精
核周益公序稱朝佐博覽羣書尤長考正良不
虛也今祠堂刊本於卷末所列一概削去亦是
書之一厄也

儀顧堂集卷十七終

儀顧堂集卷十八

歸安陸心源撰

柯山集跋

張文潛柯山集一百卷久無完本今所存者凡三一爲宛邱集凡七十六卷一爲張右史大全集凡六十卷一爲擺本柯山集凡五十卷七十六卷本不得見余以插架所有柯山集及鈔本右史集互勘編次頗有異同詩文無大出入復以羣書互勘則可以補柯山集之缺者甚多蘇門六君子文粹所選治術論治原論盡性論上

盡性論下孔光論正國語至誠篇上至誠篇下
衣冠篇遠慮篇上遠慮篇下慎微篇上慎微篇
下用民篇廣財篇力政篇擇將篇上擇將篇下
審戰篇養卒篇說道說俗說化說經說愛進誠
明說齋說上齋說下上邵提舉書再上邵提舉
書代高圯上彭器資書上曾子固書上唐通判
書上黃判監書章明發集序詩臣工傳抑傳桑
柔傳雲漢傳嵩高傳江漢傳常武傳文王傳凡
四十三篇今本柯山集皆失收宋文選卷三十
有進齋記一首宋文鑑卷二十有寄楊道孚春

日雜書感遇糴官粟有感賀雨拜表五首卷廿
二有種園近清明晨興三首卷廿八有柏武公
一首播芳大全卷二有代辭丞相表一首杜大
圭名臣碑版錄中集卷三十四有晁補之墓誌
銘一首歲時雜詠卷二新正一首卷四壬午正
月望夜赴臨汝宿襄城卷八上元夜飲文安君
誕辰上元日早起贈同遊者上元夜阻雪和景
芳三首卷廿二夏至入伏後一日出伏寄潘十
伏暑日惟食粥一甌四首卷廿四六月二十三
日夜行泊林篁港口一首立秋後便涼示稚等

一首卷廿七七月七日晚步園中一首卷三十
一中秋柬贈仁公一首卷卅六九日懷道孚和
彥昭九日西湖會飲二首卷四十冬至後三日
三首冬至呈阿璉廿六二首冬至一首卷四十
三五月五日大雪三月六日馬令送花三月十
三日作時爲董氏欲爲堂東築宅三月二十四
日聞鶯四首卷四十四四月廿一日會潘何小
酌一首四月二十日二首八月十一涼如十月
一首卷四十五九月末風雨初寒二首十月十
二日夜務宿寄內一首九月末大風一夕遂寒

二首卷四十六十二月十一日早苦寒與婦酌
酒一首瀛奎律髓卷三永甯遣興一首卷十一
和應之盛夏一首卷十四晨起一首卷十五冬
夜一首卷十六臘日晚步五首又臘日二首又
臘日五律之一卷二十偶折梅數枝一首卷廿
五寒食七律又曉意七律卷廿六春日一首卷
廿九正月二十日夢京師晚泊襄邑柘城道中
赴宣城守吳興道中白羊道中五律五首卷卅
九十二月十七日移病家居七律三首卷四十
六少年五律一首卷四十三歲晚有感一首侯

鯖錄有贈營妓劉淑女二首墨莊漫錄有木香一首西江詩話有輸麥行一首集及文粹皆無之總計得文四十六首詩七十一首其他篇題字句之異亦尚不少未知七十六卷本何如耳

宋景文集跋

宋景文集原本一百五十卷久佚不傳乾隆中館臣始從大典輯出釐爲六十二卷又從他書輯補遺二卷今聚珍本惟六十二卷補遺則不可得也愚採查各書於六十二卷之外尚可得六百餘篇其見於佚存叢書所刊景文宋公集

殘本者詩則有官舍七律二首江上阻風七絕
公齋植竹五排樹柳七律俊上人遊山七律晚
思五律祇役道中五律二首郡界憫雨州將率
官屬襁褓五排兵部學士移鎮昭潭七律夏日
七律晚春至日襄陽七律題僧惠昇壁五律州
將按行堤上七律楊初歸九江七律羈思七絕
溪亭五律送楊偕太傅知淮陽軍七律送楊子
奇赴辟澶淵七律同年譚侔掾江陵五律龍圖
蔡學士歸高密七律中山公鎮肥上七律黃祕
昆仲歸江西五律直舍雋理律書呈同舍七絕

二首家居五律居廬五律舒鴈五絕邑居七律
黃薔薇千葉牡丹酴醾木蘭棣棠玉藥茶藥花
五言六句各一首晴雲五律道中見問津者五
律抒歎五律月中嘲鵲五律游魚五絕驚鷗五
絕皇帝邇英閣講畢五經五排并序和君況禁
中寓直五排今本存上半作五絕李國博齋中小山五
律晚歸僦廬五律晚秋客廬五律雙假山煙竹
牡丹酴醾架柳射堦七絕各一首歲晚家居自
勉七律張伯起自蜀還台七律早春五律傷和
靖林先生君復七律二首春夕五首自詠七絕

二首晝寢七律房陵舊第股引蔡水養魚於池
七絕偶作七絕汴堤閑望七絕寒食夜偶題七
絕喜楊德華見過感舊成詠七律金陵相公赴
鎮五排送齊殿丞監縉雲軍七律送楊吉虞部
知池陽七律舍晝上七絕遊小園七律盛諫議
赴淮陽七律葉道卿監太平州七律送丁殿直
彬陽監軍五律王君端祕丞同理青社七律偶
作七絕僦舍西齋小圃竹樹森植五排秋夕五
律西齋冬夕五律學舍直歸七絕崔氏逍遙堂
五律送高記廣州幕七律寒夜與伯氏宴座五

律同舍置酒七律劉立德同年赴肥州幕七律
隣真亭七律僧園牡丹五排并序僑屋觀燕葦
舊巢五律楊太尉後園假山五律送四舅朱掾
赴英山五律送徐秀才五律僑廡五律雪夕五
律林鷗五律送梅摯廷評宰上元七律送葉蘇
州七律和郭六玉津上巳宴罷見寄七絕九日
七律偶思桓景登高故事七絕籍田禮畢因成
七言七絕送惟正歸錢唐七律送無錫主簿王
度五排直舍七律天街縱轡晚望七律春晚寫
望五律昭文王相公出鎮青社五排應詔內苑

牡丹千葉雙頭三花五排各一首同兄長賦朝
雞雞答七絕各一首偶作五律二首題阮步兵
祠五律二首家居寒夜五律各一首有感七律
過朱亥墓五律蓮池寫望五律讀退之集七絕
朝望五律晚秋月夕七律結課五律和晏相公
青城七絕和畢相公祀畢城馬上口占七律早
發五律有感五律莊獻明肅皇太后哀輓應制
五律二首莊懿皇太后哀輓應制五律二送梁
著作宰興平七律送張元知安肅軍七律偶成
七律送魚太傅通判漢州五律莊惠皇太后輓

歌應制五律二首偶作五律詠葵和音七絕各
二馬比部赴兩浙提刑五律楊柳詞七絕四解
館中卽事呈郭仲微七律一李德林七絕鄭天
休舍人言中丞晏尚書西園見憶五律病興早
朝七律和晏尚書詠芙蓉金菊七絕雨中罷直
七絕當直偶題所見五律禘祠宿太常院聞翰
林兄長內當七律出城寫望五律和三司晏尚
書謾成七絕乾元節錫慶院燕七律皇太子誕
慶五排下直和三司晏尚書西園暇日七律禁
中垂柳七律和宮師陳相公五律和晏太尉懷

寄燕侍郎七律和天休龍圖經句署懷舊憶道
卿舍人并見寄七律送福州通判陳鑄五律戲
招君況舍人七絕喜仲微學士直右史七律和
晏太尉晚夏五律和道卿舍人奉祠太一齋宮
五排皇子封建詩五排宿直七律和晏太尉早
夏五律過肥口五絕三百五日官舍作七律已
落牡丹七絕郡圃七絕小荷五律池上淮祠謝
雨各五律晚夏高齋看雨七律題輓鄧亭五絕
到官期月病益損樂職感懷五排苦熱七絕二
酒胡五絕觀舞五絕寄獻揚州五律讀賈誼新

書五律讀史五律對白髮自感寄揚州五排詠
懷五律一二東亭五律秋日西望七絕奉和宮師
相公流杯亭七律憶舊言懷寄江甯道卿龍圖
五排次韻罷相游故園七絕望仙亭置酒看雪
七律冬日城樓駐望七律西園五律西園三月
十一日五律齊雲亭憑高有感七律晚秋西園
五律道中五律二喜雨五律春晚官舍呈幕中
七律按務東橋駐望五律登清思堂寫望五排
寄公序資正給事七律喜翟穎先輩至五排凡
詩二百十五首文則有代鄆州王資正謝上表

生日謝生餽表謝恩表代石少傅謝恩澤表代
石少傅賀南郊禮畢表代謝加職任表代楊鄆
州謝上表又謝太后表代孫龍圖謝皇太后表
代張相公乞致仕第二表代張相公乞致仕第
四表代張相公乞致仕第六表謝御筆批表代
張集賢讓表代中書請復常膳第三表代章集
賢謝恩表代夏尚書讓節制表又第二表代夏
尚書加節制謝表代昭文相公乞罷免第一表
又第二表又第三表代楊讓加節使第二表代
楊樞密讓邑封第二表同前上皇太后第二表

又第三表又謝皇太后第三表代人乞存歿臣
寮納家集表代薛參政乞致仕上皇帝第一表
又上皇太后第一表謝加常山開國公表代昭
文相公乞罷第五表樂書局謝樂髓新經表代
謝改官表代石少傅副賀南郊禮畢表慰皇兄
汝南郡王薨表謝厯日表三道賀德音表慰溫
成皇后大葬表賀正表送同年吳昌卿之上元
序元太守得告南陽襄葬送行序相國張公聽
普昕師彈琴詩序淮海叢編集序送承制劉兼
濟知嚴州詩序崇祀錄序王參預詩序送英州

理掾詩序張相公御賜飛白書并進歌答詔刻
石序字說錄田父語壽州西園重修諸亭錄題
司空圖詩卷末有若論策題三道補監生牒詞
補進士李孝嗣充州學講書詞補鄉貢進士張
景純充學錄詞補鄉貢進士趙肅充州學教授
詞補鄉貢進士劉傑充堂詞乾元節宰相開啟
道場齋文罷散場齋文乾元節功德疏右語祝
聖醮文明憲皇后忌辰讚佛文禳災道場開啟
齋文功德疏右語禳謝醮文祈雨醮文知益州
醮文半日設醮文祈祝醮文姜副樞行狀代王

相公啟上江提刑啟代回呂相公啟回夏樞密
啟回狄侍郎謝轉官啟回王龍圖謝改職啟夏
太尉啟回謝樞密啟回宗室使相啟賀參政啟
代回宗正啟代回皇族啟代謝前兩地狀代謝
外任兩制狀代回兩地狀賈相公生日啟留守
相公啟回夏宣徽啟回韓侍郎謝加職啟回揚
州盛中丞啟賀都尉王樞密啟代回晏樞密啟
代上兩府讓狀代回樞密王太傅啟回夏宣徽
啟上河東轉運啟渭州戴屯田啟河南資政啟
梁相公啟代回樞密王太傅啟薛參政生日持

禮啟陳州胡侍郎問候啟攀違侍郎狀回狀元
監丞啟上許州呂相公啟代張回謝解啟安撫
雜端啟回提刑啟提刑轉運制置到任啟壽州
任謝兩制啟揚州陳相公啟回廬州張學士啟
鄂州知郡比部啟與轉運比部啟回廬州張學
士啟回張著作啟上集賢相公啟韓資政啟回
譚照知府司勳啟回亳州韓資政啟柳轉運啟
回制置林郎中啟回陳州楊相公啟回曾學士
啟回呂學士啟回府判魯端公啟回王大卿啟
回廣德比部啟回呂贊善啟回廬州張學士啟

回穎州鮑學士啟回提刑李都官啟回李中允
啟上僕射相公啟上樞密相公啟上集賢相公
啟回穎州鮑學士啟回通判韓中允啟上程左
丞啟上許州孫龍圖啟杭州通判劉都官啟回
亳州韓資政啟梓州杜學士啟上昭文呂相公
啟上知府諫議啟上呂相公啟上益州轉運明學
士啟回轉運啟上呂相公啟上魏府任諫議啟
回外任賀冬啟回通判學士啟代人謝改京官
啟回陳洎殿院謝官啟上徐州扈諫議啟賀冬
啟回外任郎官啟上青州相公啟回外任賀正

啟回京西呂轉運啟上陳州張相公攀違啟回
成德軍魯待制謝上啟上外任兩府賀正啟代
回夏相公啟代回彭舍人啟代回王舍人啟上
知府郎比部啟上寇給事復官啟代到任謝兩
地啟回趙舍人啟謝大名王相公啟鎮府謝諸
官相賀啟狀元學士啟代外任賀入兩地啟回
賀改待制啟二首呂相公攀違啟外任兩地賀
正啟回盛右丞啟回江郎中啟回王龍圖啟賀
安撫夏太尉啟賀資政侍郎啟回廬州王相公
啟謝兩地兩制問候啟代回舍人啟河陽謝侍

中啟代鄭公回樞密侍郎啟代鄭公回張侍中
啟凡一百九十六篇見於成都文類者詩則有
讓木一首再游海雲寺一首寄呈季長一首秋
盡一首文則有默菴頌一首見於歲時雜詠者
九日七律一首和三司尚書清明七絕一首奉
和聖製清明五律一又七律一首七月六日絕
句七絕一首暮歲五律一首其見於播芳大全
者有乾元節表二賀正旦表一首賀月旦表十
二乞聽斷表五乞御正殿表三謝除安撫表提
點坑冶到任謝表謝賞功轉官表謝任子表乞

恩澤表二乞異姓恩澤表賀莫祕監啟賀侍講
啟賀胡帥生日啟改職謝侍從啟改秩謝宰執
啟改秩謝執政啟築倉改秩謝上位啟教官改
秩謝監司啟改秩謝監司啟改秩謝上位啟改
秩謝監司啟謝宰執薦舉啟謝丞相薦舉啟謝
參政薦舉啟謝刑部薦舉啟謝禮侍薦舉啟謝
給事薦舉啟謝刑部薦舉啟謝察院薦舉啟二
謝郎中薦舉啟謝侍從舉換文官啟謝給事薦
舉啟二首上司薦舉啟正旦大宴教坊致語句
合曲句小兒隊隊名問小兒小兒致語句雜劇

放隊與張侍讀祫饗預告青詞廟祭預告青詞
崇禧觀啟建祈福道場青詞崇福觀啟建中元
道場青詞福甯殿啟建中元祈福道場青詞奉
親廣孝二殿啟建中元祈福道場青詞禁院催
生保慶道場青詞後苑催生保慶道場青詞三
首後苑祈生保慶道場青詞修城門告祭祀文
修殿門告祭祀文謝雨祝文禱病道場疏禳水
疏見於宋諸臣奏議者卷三十八有上仁宗論
星變地震大災奏疏上仁宗應詔論春雷之異
疏又論春雷地震之異第三狀卷八十六有上

仁宗議上帝五帝同異疏卷一百二十上仁宗
乞選兵三月後減半就糧內郡疏上仁宗論河
北及嶺南事宜又論河北根本在鎮定疏見於
全蜀藝文志者則有武儋七古龜化七古禮殿
七古石室七古玉局七古巖真七古琴臺七古
墨池七古書臺七古草堂七古總計凡詩二百
六十首文二百八十一首合之原輯六十二卷
已得原集三分之二矣

臨川集跋

臨川集一百卷翻宋紹興中詹大和刊本詹本

從閩浙本出其失收之詩如青山捫蝨坐黃鳥
挾書眠之類見於西清詩話能改齋漫錄等書
者

四庫提要已備言之其文之失收前人多未及
之愚案宋文選卷之十選荆公文有性論性命
論名實論上名實論中名實論下荀卿論上六
篇今本皆不收此外如宋文鑑播芳大全所選
亦有出今本外者觀黃次山序一則曰譌舛再
則曰不備詹君並不諱言益信宋人敦實非今
人所可及也

毘陵集跋

張守毘陵集五十卷原本久佚乾隆中館臣始從永樂大典輯出釐爲十六卷愚案毘陵集遺文尚有出十六卷外者如賀天甯節表賀天申節表賀恤刑表賀九鼎成表謝除樞密表謝除資政殿大學士表謝轉官表謝詔使宣諭表謝詔書獎諭表謝傳宣撫問表十二月五日謝傳宣撫問賜藥表謝獎諭表謝赦書表謝賜戒石銘表賀李參政啟賀席參政啟賀秦禮侍啟帥到任謝兩府啟帥到任謝政府啟謝漕使薦舉

啟謝監司薦舉啟謝第三名及第啟謝及第啟
又謝及第啟撫幹與交代啟上秦少保啟回張
閣學啟回蕭提控啟賀丞相正啟賀魏尉啟凡
三十餘首見五百家播芳大全而本集所無也
浮溪集跋

浮溪集六十卷龍溪集六十卷久佚不傳乾隆
中館臣始從永樂大典輯出釐爲三十六卷余
檢播芳大全卷一上賀天申節表代賀立皇太
子表二首賀北郊禮成表賀明堂禮成表卷一
下賀元會表賀冬表三首卷二上賀明堂萬歲

山祥光表賀斬夔離不表賀收復涿易二州表
賀捷奏表卷二中賀車駕巡幸起居太上皇表
第二首卷三上辭免樞密表卷三中辭免節度
使表卷三下代謝辭樞密使表卷四中謝除右
文殿修撰表卷四下謝除太子賓客表卷五中
江西提刑謝上表淮東提舉謝到任表卷六上
謝轉官表二首謝轉官回授表卷六中謝謫定
州通判表卷七下遺表卷八上賀秦少保啟賀
秦丞相啟賀張丞相啟賀朱丞相啟賀秦樞使
啟卷九賀沈參政啟卷十賀傅禮書啟賀中書

陸舍人啟卷十一賀范祕監啟十二賀李待制
啟十四賀張端明啟十五賀王守加直閣啟賀
汪相公建節啟十六賀文太師致仕啟廿五賀
狀元及第啟賀太師正啟賀左右僕射正啟賀
宮使丞相正啟廿九除館職謝宰相啟除授謝
寺丞啟卷四十敘復謝太師啟復職謝丞相啟
卷五十憲到任謝太師啟二首憲到任謝丞相
啟五十五上丞相小簡八首又四首又五首卷
七十一紫宸殿醺饗星變道場青詞太乙殿爲
民禳災九皇九曜道場青詞集禧殿饗謝火星

道場青詞福甯殿啟建禳謝彗星道場青詞福
甯殿啟建禳謝彗星道場青詞卷七十二醴泉
觀祈雨青詞南郊禮畢奏告南嶽表本又奏告
普賢菩薩表本資薦隆祐皇后首七道場青詞
資薦上皇大祥青詞二首禳謝火星道場表本
一首明堂禮畢奏告景靈宮諸陵表本又明堂
禮畢奏告表本二明堂禮畢露香表本明堂預
告表本奏告宣仁皇后忌辰表本卷七十五乾
元節道場疏天申節道場疏興隆節功德疏聖
節開啟疏卷七十七隆祐皇后首七道場疏二

七道場疏六七道場疏昭慈獻烈皇后卒哭道
場疏又几筵道場疏又啟攢水陸道場疏隆祐
皇后水陸道場疏昭慈獻烈皇后水陸道場疏
又中元水陸道場疏卷七十九請明教長老開
堂疏修定香院疏化度牒疏卷八十二追薦道
場疏卷八十三明堂大禮冊文四首告諸陵祝
文明堂禮畢告諸陵祝文大禮畢謝景靈宮諸
殿神祝文改元奏告天地社稷諸宮觀祝文公
主下嫁祭告祝文卷八十三謁先聖祝文謁諸
廟祝文謁社稷祝文卷八十四春賽祝文秋賽

祝文秋祭諸廟祝文祭江祝文祈雨祝文八十
五謝雨祝文八首又賽雨祝文祈晴祝文四首
謝晴祝文三首卷九十禮席致語卷九十六祭
莫大卿文祭盧諫議文焚黃祭考妣文卷九十
九堂祭壽光縣君文代壽光縣君祭通直文卷
一百一祭太學同舍文祭趙淑人文祭壽光縣
君文祭靖安縣君文卷一百二徽皇帝發引四
首隆祐皇后挽詞其一其三其五三首卷一百
三何郡王挽詞二首張主客挽詞詹令人挽詞
二靖安縣君挽詞凡一百五十六首皆今本所

未收內惟明堂禮畢奏告表本二篇明堂禮畢
露香表本謝普賢菩薩表本禳謝火星道場表
本爲永樂大典所有欽承

聖訓刪削餘則皆大典所無又庚溪詩話桃源
行宋詩紀事有避地西亭野步五古遊宦紀聞
有春日詩聲畫集有題大年小景七古賓退錄
有賦琴高魚七古京口三山志有宿焦山方丈
五古咸淳臨安志卷九十七有餘杭道中七律
知杭州葉夢得復舊職制車駕幸臨安起居表
代發運趙修撰賀克復杭州表皆宜補入

汪文定集跋

汪應辰玉山集五十卷見宋史藝文志明初已罕傳本宏治中程敏政始從文淵閣所藏摘鈔其要編爲二十卷嘉靖間其鄉人夏浚刻行之嗣後藏書家所著錄皆二十卷本蓋原本之佚久矣乾隆中館臣始從永樂大典輯出凡文四百五十六首詩五十八首釐爲二十四卷較程本幾倍之愚案播芳大全卷一有賀郡王冠禮表一首卷六謝轉官表一首卷八賀左丞相啟一首卷十賀林侍郎啟一首卷十六賀朱丞相

帥紹興啟一首皆今本所未收也

野處類稿書後

野處類稿二卷

四庫全書著錄所謂零珪斷璧固足珍惜者也至嘉定錢氏始疑其謁普照塔詩年歲未符呈元聲如愚起宰三兄及懷弟逢年詩與文敏兩兄字全別然亦無以證其僞也余偶讀朱韋齋集乃知此書之所出卷上各詩見韋齋集卷一卷下各詩見韋齋集卷二題目皆同惟上卷無題一首乃韋齋集中陳伯辨爲張氏求醉賓軒

詩也集外詩皆文敏之作亦襲取宋詩紀事不能別有增益蓋文敏野處猥橐一百四卷散佚已久野處類橐二卷文獻通考列入別集類是文集而非詩集嗣後亦未見著錄此本當是乾隆中葉書估所作僞故轉以宋詩紀事所錄列爲集外詩也文淵閣書目有野處內外橐九冊當卽猥橐之殘本永樂修大典時必見全書安得有心人留心搜輯如蘇過斜川集重見真本也是所望於讀中秘書者

後村大全集跋

後村大全集一百九十六卷從天一閣藏本傳鈔卷一至四十八古今體詩四十九賦五十油幕箋奏五十一五十二奏議五十三至五十九內制六十至七十五外制七十六至七十九奏申狀八十八十一掖垣繳駁而以日記看詳狀附焉八十二八十三玉牒初草八十四八十五講義八十六八十七進故事八十八至九十三記九十四至九十八序九十九至一百一十一題跋一百一十二至一百十五表牋一百十六至一百廿六啟一百廿七上梁文樂語四友除授一

百廿八至一百三十四書一百三十五祝文一
百三十六至一百四十祭文一百四十一至一
百四十七神道碑一百四十八至一百六十五
墓誌銘一百六十六至一百七十行狀一百七
十一疏一百七十二青詞一百十三至一百
八十六詩話一百八十七至一百九十一長短
句一百九十二至一百九十三書判一百九十
四至一百九十六則附錄林希逸所撰行狀洪
天錫所爲墓誌請謚狀也謹案後村集五十卷
四庫著於錄以此本較之約多數倍南宋以後

傳屬卷之十八
三
編集者往往以多爲貴不復有所決擇黃茅白
葦閱之令人生厭此集其一也惟碑誌頗多有
足以補宋史之缺者且流傳甚罕未可以龐雜
廢之

陳石堂集跋

石堂先生遺集二十二卷題曰宋甯德陳普尚
德案普字尚德別號懼齋福建甯德人所居有
石堂山學者稱石堂先生宋亡不仕元時三辟
本省教授皆不赴延祐丁卯卒年七十二普少
遊會稽怕齋韓氏之門韓學出慶源輔氏輔氏

朱子高弟也故其學以朱子爲宗伏讀

四庫全書存目提要曰石堂遺集四卷宋陳普撰普有全集已著錄此乃明天啟中普里人阮光甯所選刻非完帙也謹案石堂全集

提要並未著錄此云已著錄想編次時有佚脫矣是集爲明人閩文振所編薛孔洵所刊有萬厯丁卯金溪阮鑽敘及邑人崔世俊後序凡講義四卷經說一卷字義一卷答問一卷渾天儀論四卷雜文四卷詩賦四卷詠史詩二卷雜纂一卷當卽所謂全集也其文多語錄體詩皆擊

儀顧堂集卷十八
壤派說經說理亦淺腐庸庸余嘗謂詩文至宋
季而極弊此其尤者惟普人品高潔無愧宋之
遺民視方回輩口道學而行狗彘者相去不啻
霄壤且其集傳世日希文雖拙亦當亟爲表章
也

儀顧堂集卷十八終